



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De Theoderico vsurario, qui moriens denarios masticauit, cap. 42.

urn:nbn:de:hbz:466:1-13177

brachia mouit, ad instar numerantis pecuniam: mis-
sum est pro Gerlaco, ut diabolum à vexatione corpo-
ris exorcismis cohiberet: quod cùm fecisset, corpus
quieuit, & cùm adjurare cessaret, illud non cessauit,
nunc crura nunc manus mouendo. Tunc tollens ari-
stas, aquæ benedictæ intinxit, & ori eius immisit, quas
illa audissimè masticare cœpit, tandem tollens stola,
cum exorcismo collo eius circumligauit, sicquedæ-
mones ab eius corpore compescuit. Erat ibi tempo-
re eodem rusticus quidā, qui dicebat sacerdoti: Seia-
ris domine, quòd diabolus in hac nocte stupenda o-
perabitur in hoc corpore. Referam enim vobis simi-
le, quod temporibus contigit pueritiae meæ.

CAPV R XLI.

FVerat in Bacheim, villa proxima, famosa quædam
vsuraria: hæc cùm moritura esset, campum totū
coruis ac cornicibus vidit repletum, & clamauit
fortiter: Ecce modò appropinquant foris ad me. Et
adjecit; ô wi, ô wi, modò sunt in recto, modò in do-
mo, modò peccatum meum laniant, modò animam meā
extrahunt, sicque cum v lulatu efflauit spiritum, à dæ-
monibus ad inferos deducendum: qui eadem nocte
corpus de feretro, multis, qui aderant, videntibus tol-
lentes, vsque ad tectum leuauerunt, & cùm trabi im-
pingerent, iuxta limen ostij illud cadere sientes, cō-
fregerunt. Extincta sunt luminaria, fugerunt homi-
nes, manè in iam dicto loco corpus reperientes, quod
bestiali sepulturæ tradiderunt.

CAPV R XLII.

IN diœcesi Colonensi ante paucos annos miles
quidam defunctus est nomine Theodericus, vsura-
rius admodum nominatus: hic tandem infirma-
tus, materia ascende in cerebrum, factus est phren-
eticus: qui cùm quotidie dentes & os moueret, dixer-
runt ei ministri sui: Quid comeditis domine? Re-
spondit ille: Denarios ego mastico. Visum ei fuerat
quòd denarios ori eius dæmones infunderent: Non
possum, inquit, sustinere dæmones istos, portate me
ad monasterium Rodey, boni illic homines sunt, forte
auxi-

auxilio illorum ab his diabolis liberabor. Quid cùm
delatus fuisset, clamauit: Reportate me: plures enim
hic dæmones video, quām in domo mea: erat enim
de villa Wurme. Sic miser relatus, & a dæmonibus a-
gitatus, expirauit, quam execrabile vitium sit vñfura,
in suis tormentis multis ostendēs. Quidam dixerunt,
se in ore & in guttere eius denarios vidisse. APOL-
LONIUS: Bene Apostolus auaritiam idolorum ap-
pellat seruitutem, cui sic dæmones simulantur. CÆ-
SARIVS: Auaritia heu, non solum in secularibus,
sed etiam in personis ecclesiasticis regnat, ei que fa-
mulatur.

Colos. 3:.

CAPVT XLIII.

Lvtarius Præpositus Bonnensis clericum ha- De Aus-
bebat nimis auarum, Monasteriensis ecclesiæ ris.
canonicum: & quia ex eius consilio idem Præ-
positus pendebat, multam pecuniam Walterus con-
gregauerat: qui cùm moreretur, nec vnum quidē de-
narium pro anima sua legauit. In ipsa hora mortis
eius, Godefridus ecclesiæ sancti Andreæ in Colonia
canonicus, coram domino suo Adolpho, tunc maio-
ris ecclesiæ Decano, & postea Archiepiscopo, in porta
clericorum dormiuit, cui talis visio ostensa est: Visum
est, quod prædictus Walterus pecuniā de magno cu-
mulo in tabula numeraret, & quod dæmon ex altera
parte in æthiopis effigie residens, illius computationē
diligentissimè consideraret: in ipsa computatione
Walterus frequenter ex ipsa pecunia aliquid furtiuè
vesti propriæ submisit, qua numerata, dæmon in hæc
verba prorupit: Computat argentum Walterus, sub-
trahit illud. Deinde manibus complofis, cum multo
cachinno subjecit: Plus quā ducentas subtraxit Wal-
tero marcas, (sic enim ex quadam superbia vocari so-
lebat.) Excitans dominum suum Godefridus, quid vi-
derit recitauit. Et compertum est, quod eadem hora
expirauit. Præpositus vero omnem illius pecuniam
tulit, afferens illam suam fuisse.

Cap.

